



DODÉ. REL

















REPLIQUE

A LA RESPONSE
ENVOYEE SOVS LE NOM DE
Monsieur le Duc de Mayenne, & autres
Princes Pre'ats, Sieurs, & autres person-
nages assemblez à Paris: sur la proposition
à eux faicte de la part des Princes, Prelats,
Officiers de la Courone, & principaux
Seigneurs Catholiques, suiuaंस le party
du Roy de Nauarre: à fin de paruenir au
repos tant necessaire à ce Royaume, pour
la conseruation de la Religion Catholique
& de l'Estat.

AVEC LA RESPONSE A
la susditte Replique.



A PARIS,

Par Federic Morel Imprimeur
ordinaire du Roy.

8 VOL 1738

3 VOL 1738

Case

F

39

326

1593 re

THE NEWBERRY
LIBRARY



REPLIQUE A LA RESPONSE ENVOYEE
 sous le nom de Monsieur le Duc de Mayenne, & autres
 princes, Prelats, Sieurs, & autres personnages assem-
 blez à Paris, sur la Proposition à eux faicte, de la part des
 Princes, Prelats, Officiers de la Corone, & principaux
 Seigneurs Catholiques, tant du Conseil du Roy, que
 autres estans lors prez de sa Maiesté: à fin de paruenir
 au repos tant necessaire à ce Royaume, pour la conser-
 uation de la Religion Catholique & de l'Estat.

A Pres l'enuoy & receptiō
 de ladicte Proposition à
 Paris, le desir que lon a
 de ceste part, d'en veoir
 reussir le fruit auquel elle
 tend, retint encores quelques iours en
 ceste ville de Chartres, sa Majesté, & les
 Princes & Seigneurs qui auoient assisté
 à la deliberation d'icelle, pour attendre
 s'il y seroit fait respōse. Mais ayāt passé
 huit iours sans en estre venu aucune
 nouuelle, les affaires & les demonstra-
 tions dudit sieur de Mayenne, de vou-
 loir entreprendre quelque chose auec

l'armee estrangere , qu'il estoit allé
trouuer à ceste fin, donnerent occasion
à ladicte Majesté, & ausdits Princes Sei-
gneurs de se partir & separer en diuers
endroits où les occasions de la guerre
les appelloient, de sorte que lors que la-
dicte Responſe fut apportee & receuë
en ceste ville de Chartres, qui fut le
huitiesme de ce moys de Mars, il ne
ſy trouua que petit nombre desdits
Princes & Seigneurs, & ne se sont encor
depuis peu reioindre pour resoudre des
personnes, moyens & lieux de la Con-
ference. Toutefois ayant ceux d'entre
eux qui estoient demeurez icy, aduerty
où il a esté besoin, de la reception de
de ladicte responce, l'ordre a esté don-
né de se rassembler à Mante, où se re-
trouuera dans peu de iours compagnie
suffisante pour entendre à vaquer à cest
affaire. Et à fin que le temps qui a cou-
ru auant qu'en donner quelque nou-
uelle à ladicte assemblee de Paris, ne

puisse estre tiré en autre argument que de la vraye cause, qui a apporté ceste longueur: Les Princes & Seigneurs qui s'ot encores à present en ceste ditte ville de Chartres, l'ot avec nouvelle permission de sa Maiesté voulu faire entendre par cest Escrit à ladicte assemblee de Paris, & que d'as le quinzième iour du mois prochain ils leur feront plus particuliere declaration de ce qui depend d'eux, pour l'acheminement & resolution de ladicte Conference, tant en ce qui touche les seuretés, que autres choses qui y escherront. Pendant lequel temps s'il plaisoit ausdits Sieurs, qui sont en ladicte assemblee, d'aduerter lesdits Princes & Seigneurs, des noms ou de la qualité & nombre des personnes qu'ils voudront à ceste fin deputer, cela ayderoit a aduancer d'autant plus la conclusion. Laquelle Dieu par sa grace veuille reciproquemét adresser au seul but de la conseruation de la

Religion Catholique & de l'Éstat, cōme ça esté le principal motif, & sera toujours l'intention des Princes & Seigneurs Catholiques qui recognoissent sadiète Maiesté. Faict au Conseil d'icelle, tenu à Chartres, où lesdits Princes & Seigneurs se sont à ceste fin assemblés avec sa permission, comme dit est, le 29. Mars. 1593.

Signé,

REVOL.

Et à la superscription est escrit, A Mōsieur, Monsieur le Duc de Mayenne & autres Princes de sa maison, Prelats, Sieurs & autres personnages assemblez à Paris.

Et cachetté du cachet des armes de Monsieur le Cardinal de Bourbon.

RESPONSE A LA SVSDITE REPLIQUE.

Messieurs, par vos lettres du 29. du mois passé, vous demandez que nostre Conference soit remise iusque au 15. de ce mois. Nous eussions plustost désiré de l'avancer, tant nous l'estimons necessaire pour le bien cōmun des Catholiques: Mais puis qu'il ne se peut faire autrement, nous attendrons vostre commodité, & le temps qu'auez pris: pourveu que ce soit sans plus differer, comme nous vous en prions, de toute nostre affection. Nous deputerons douze personnes d'honneur & de qualité, qui ont de l'integrité, du iugement aux affaires, & sont tresdesireux de voir la Religion Catholique, Apostolique & Romaine en seureté, & le Royaume en repos. Vous auez choisy le lieu pour la conference entre cette Ville, & Saint Denys: & nous

l'auons accepté, comme nous faisons encor,
 soit en l'un de ceux qui sont nommez par
 nos precedentes lettres, ou tel autre qu'au-
 rez plus agreable. Quant aux seuretez &
 Passeportz, ils seront donnez en blanc,
 pour les remplir du nom de vos Deputez;
 sil vous plaist faire de mesme pour les no-
 stres. Ne languissons plus, Messieurs, en
 l'attente de ce bien, mais iouysson en tost,
 s'il nous doit arriuer: ou si le contraire ad-
 uient, que le blame en demeure à ceux aus-
 quelz il deura iustement estre imputé.
 Nous prions Dieu cependant qu'il vous
 conserue, & nous faire la grace que l'issue
 de cette conference soit telle que tous les gens
 de bien la desirent. Faict en nostre assemblée
 tenue à Paris, le v. iour d'Avril. 1593.

Signé,

PERICARD.

DEPILES. CORDIER. THIELEMENT.

Et à la superscription est escrit,

A Messieurs, Messieurs les Princes, Prelats,
 Officiers de la Couronne & autres Sieurs Catholi-
 ques suiuan le party du Roy de Navarre.

